

NEWS LETTER

2014

www.fipa.gov.ba

**FIPA UČESTVUJE NA
MINHENSKOM SAJMU
EXPO REAL 2014**



**PREDSTAVNICI FIPA-E POSJETILI
FIRMU DUGATEHNA DOO ČITLUK**

**POSJETA PREDSTAVNIKA FIPA-E KOMPANIJI
COMSAR ENERGY RS - PJ UGLJEVIK**



NEWSLETTER BR. 5

OKTOBAR 2014

SADRŽAJ

FIPA AKTIVNOSTI ≡

- » Posjeta predstavnika FIPA-e kompaniji Comsar Energy RS - PJ Ugljevik
- » FIPA učestvuje na Minhenskom Sajmu Expo Real 2014
- » Agencija FIPA posjetila kompaniju Eden Garden d.o.o. Istočno Sarajevo
- » Posjeta predstavnika FIPA-e kompaniji Compact Invest doo
- » Obilazak privrednih subjekata u cilju unaprjeđenja poslovne suradnje u TK
- » Posjeta kompanijama Eglo doo i Pullcom doo Gradačac
- » Posjeta predstavnika FIPA-e kompaniji Telemach doo
- » Predstavnici FIPA-e posjetili firmu Dugatehna doo Čitluk

POSLOVNE VIJESTI ≡

- » Bosnet izvozi u Katar



REXPO 2014 – 3. MEĐUNARODNI SAJAM INVESTICIJSKIH PROJEKATA

11. – 12. novembar 2014. Hypo Expo XXI Centar Zagreb, Hrvatska

3. Međunarodni sajam investicijskih projekata REXPO 2014 održat će se 11. i 12. novembra 2014. u Hypo centru u Zagrebu. Predstavit će se firme i projekti iz Hrvatske i zemalja regije. Osim izlagačkih aktivnosti REXPO 2014 izložit će aktuelne teme u sklopu REXPO Foruma i mogućnost predstavljanja preduzeća i projekata kroz prezentacije, poslovne sastanke i neformalno druženje na REXPO Gala party, cocktail druženjima i prijemima.

REXPO Forum ugostit će brojne ugledne međunarodne stručnjake, predstavnike međunarodnih banaka i Vlada u regiji, što garantira relevantnu i stručnu raspravu i veliku medijsku pažnju.

Glavne teme koje će biti predstavljene na ovogodišnjem REXPO Forumu vezane su uz svjetske i regionalne investicijske trendove, obnovljive izvore energije, investicije u turizam i ugostiteljstvo, EU fondove, infrastrukturna ulaganja, upravljanje projektima, održavanje objekata, te izvore i modele finansiranja investicijskih projekata.

Za događaj je već iskazan velik interes na domaćim i regionalnim privrednim i političkim nivoima, a organizatori najavljuju da će učesnicima na raspolaganju, uz konferencijski prostor, biti i uređeni prostori za privatne sastanke i prezentacije preduzeća, projekata i usluga, te prostor za medije.

Za sve dodatne informacije obratite se na:

Expositum d.o.o., telefon T: 01 309 8313, e-mail: rexpo@rexpo.hr, web: www.rexpo.hr

FIPA AKTIVNOSTI ≡



POSJETA PREDSTAVNIKA FIPA-E KOMPANIJI
COMPACT INVEST DOO



AGENCIJA FIPA POSJETILA KOMPANIJU EDEN GARDEN D.O.O.
ISTOČNO SARAJEVO



...I JOŠ FIPA AKTIVNOSTI...



POSJETA PREDSTAVNIKA FIPA-E KOMPANIJI COMSAR ENERGY RS - PJ UGLJEVIK



U okviru Aftercare aktivnosti predstavnici Agencije FIPA su u utorak 30. septembra 2014. godine posjetili kompaniju "Comsar Energy Republika Srpska" d.o.o. Banja Luka, PJ Ugljevik, i razgovarali sa g. Lazarom Stojanovićem, direktorom PJ Ugljevik. Na sastanku je razgovarano o njihovom iskustvu kada je u pitanju poslovno okruženje u BiH, o preprekama i problemima sa kojima se suočavaju u poslovanju i o planovima daljnjeg širenja. Sastanku su prisustvovali pored predstavnika FIPA-e i predstavnik Općine Ugljevik.

Comsar ulaže oko milijardu eura u nekoliko velikih energetske projekata – projekata proizvodnje energije, obnovljive energije, infrastrukture, trgovine i mreža - širom jugoistočne Europe, uključujući i izgradnju nove, najmodernije termoelektrane "Ugljevik 3". Termoelektrana "Ugljevik 3" će imati 2 x 300 MW instalisanog kapaciteta i proizdiće oko 4,2 TWh električne energije godišnje. Ukupna vrijednost investicije u TE "Ugljevik 3" će biti oko 750 miliona eura (zajedno sa rudnikom) sa 800 zaposlenika. Projekat TE "Ugljevik 3" zasnovan je na modernoj i efikasnoj tehnologiji sagorijevanja uglja i u potpunosti će ispuniti sve zahtjeve prema važećim direktivama EU o zaštiti životne sredine.



FIPA UČESTVUJE NA MINHENSKOM SAJMU EXPO REAL 2014



Agencija za unapređenje stranih investicija u BiH (FIPA) i ove godine, u suradnji sa predstavnicima entitetskih vlada i Vladom Brčko distrikta, učestvuje na sajmu REAL EXPO Minhen.

Na sajmu, koji je okupio preko 1700 izlagača i preko 36.000 posjetilaca širom svijeta predstaviće se mogućnosti za investiranje u BiH.

Sajam predstavlja odličnu priliku za uspostavljanje kontakata sa investitorima, privrednim udruženjima, agencijama i vladinim institucijama, a u cilju generiranja novih investicija i proširenja postojećih.

Na sajmu, pored predstavnika Agencije FIPA, prisutni su i predstavnici entitetskih vlada.



AGENCIJA FIPA POSJETILA KOMPANIJU EDEN GARDEN D.O.O. ISTOČNO SARAJEVO

U okviru Aftercare programa FIPA predstavnici su u petak 10. oktobra 2014. godine posjetili kompaniju Eden Garden d.o.o. Istočno Sarajevo i obavili razgovor sa direktorom g. Srđanom Vraneševićem.

Nakon uvodnog predstavljanja sa gospodinom Vraneševićem razgovarali smo o uslovima poslovanja u BiH, poslovnom okruženju i planovima za buduće ulaganje.

Eden Garden je 2001. godine u BiH registriran kao Joint Venture kompanija sa istoimenim italijanskim partnerima. Na početku je firma bila bazirana na proizvodnji željeznih dijelova za suncobrane koji su proizvedeni u Italiji. Od 2007. godine gospodin Vranešević je pokrenuo sopstvenu proizvodnju kompletnog proizvoda, a ugovor o ekskluzivnom zastupanju sa italijanskim distributerom je raskinut u 2010. godini. Od tada Eden Garden doo nastupa samostalno na svim svjetskim tržištima.

Firma se bavi proizvodnjom baštenskih suncobrana i danas zapošljava 30 radnika. Izvozno su orjentirani, a zemlje regiona, EU i Amerika (prvenstveno SAD) su im glavni tržišni kupci, s tim što u posljednje vrijeme Katar i Ujedinjeni Arapski Emirati pokazuju sve više zainteresovanosti za visokokvalitetne suncobrane.

S obzirom na sve veću potražnju i zahtjeve inostranog tržišta planovi rukovodstva ove kompanije su širenje proizvodnje, reinvesticije i zapošljavanje novih radnika.



POSJETA PREDSTAVNIKA FIPA-E KOMPANIJU COMPACT INVEST DOO



U okviru Aftercare aktivnosti predstavnici Agencije FIPA i Općine Ilidža, kao članice Suradničke mreže za postinvesticionu podršku investitorima, su u četvrtak 2. oktobra 2014. godine posjetili kompaniju Compact Invest doo Sarajevo i razgovarali sa g. Moussa Fattah-om, članom Savjetodavnog odbora i g. Muhamedom Prlja, zamjenikom direktora kompanije. Na sastanku je razgovarano o njihovom iskustvu kada je u pitanju poslovno okruženje u BiH, o preprekama i problemima sa kojima se suočavaju u poslovanju sa stanovišta stranih direktnih investicija, te o planovima daljnjeg širenja poslovanja. G. Fattah i g. Prlja su istakli činjenicu da planovi firme nisu kratkoročni nego da žele da, zajedno sa osnivačima i vlasnicima firme, doprinesu privrednom razvoju i jačanju ekonomije u Bosni i Hercegovini. Kao svrha svakog ozbiljnog poslovnog poduhvata, projekti koje budu radili moraju, obezbijediti dugoročne izvore prihoda za uposlenike i profit za vlasnike. Iskustva osnivača firme će zasigurno doprinijeti osvježavanju poslovnog ambijenta u Bosni i Hercegovini. Firma Compact Invest d.o.o. Sarajevo je bh. kompanija koju su osnovali investitori iz Kuvajta. Do sada su pokrenuli nekoliko investicionih projekata u Bosni i Hercegovini te uložili oko 8 miliona KM. Jedan od projekata koji počinje početkom novembra je projekat izgradnje novog stambenog kompleksa „Sarajevo Waves“ u naselju Otes na Ilidži. Projicirana vrijednost kompleksa je oko 50 miliona KM. Pored ovog projekta u fazi pripreme su još dva projekta od kojih je jedan značajno veći od naselja u Otesu. Ovaj projekat bi zasigurno doprinio razvoju Općine Ilidža i Kantona Sarajevo u cjelini. Ovaj projekat će osigurati nova radna mjesta i angažman većeg broja domaćih građevinskih firmi. Pored ulaganja na području izgradnje nekretnina, firma Compact Invest d.o.o. razmatra, planira i intenzivno priprema implementaciju projekata koji su vezani za poljoprivredu, stočarstvo, ugostiteljstvo, turizam i trgovinu. Osnovna odlika ovih projekata je da su oni dugoročni projekti koji će obezbijediti nova zapošljavanja i unapređenje poslovnog ambijenta u Bosni i Hercegovini.



OBILAZAK PRIVREDNIH SUBJEKATA U CILJU UNAPRJEĐENJA POSLOVNE SURADNJE U TK

Predstavnici Službe za razvoj, poduzetništvo i društvene djelatnosti Općine Tuzla, Ministarstva za razvoj i poduzetništva TK i Agencije za promociju stranih investicija BiH (FIPA) posjetili su 15. oktobra 2014. godine nekoliko firmi na području Općine Tuzla s ciljem unapređenja poslovne suradnje sa privrednim subjektima.

Posjećene firme su: BH Stainless d.o.o, Elsta Mosdorfer Bosnia d.o.o i Rentex Com d.o.o Tuzla.



POSJETA KOMPANIJAMA EGLO DOO I PULLCOM DOO GRADAČAC



U okviru Aftercare programa za 2014. godinu predstavnici Agencije za unapređenje stranih investicija BiH (FIPA) su zajedno sa predstavnicima Ministarstva razvoja i poduzetništva Tuzlanskog kantona posjetili kompaniju „Eglo“ doo Gradačac, i razgovarali sa g. Midhatom Skenderovićem, direktorom i suvlasnikom firme. Kompanija „Eglo“ doo Gradačac predstavlja vodećeg distributera rasvjete na području Bosne i Hercegovine i članica je Austrijske grupacije „EGLO Lights International“ koja djeluje u preko 50 zemalja širom svijeta.

Na sastanku je razgovarano o njihovom iskustvu kada je u pitanju poslovno okruženje u BiH, o preprekama i problemima (otvorenim pitanjima) sa kojima se suočavaju u poslovanju i o planovima daljnjeg širenja. Kompanija, pored sjedišta u Gradačcu ima svoje poslovnice i u drugim gradovima BiH te zapošljava 15 osoba, a u planu ima izgradnju skladišta.

Firma „Pullcom“ doo Gradačac se bavi jedinstvenom proizvodnjom profila od fiberglass-a. Riječ je o italijanskoj investiciji i trenutno je zaposleno 35 radnika dok je planu zapošljavanje još 120 osoba ukoliko budu imali podršku lokane zajednice i nadležnog ministarstva iz Vlade Tuzlanskog kantona.

telemach



POSJETA PREDSTAVNIKA FIPA-E KOMPANIJI TELEMACH DOO

U okviru Aftercare aktivnosti predstavnici Agencije FIPA su 13. oktobra 2014. godine posjetili kompaniju Telemach doo i razgovarali sa gđom. Hajdi Mostić, direktoricom finansija.

Američka kompanija "Kohlberg Kravis Roberts" je globalna investiciona firma koja je putem svojih investicija u kompanije "Telemach" i "United Media" najveći direktni strani ulagač iz SAD-a u BiH i regiji.

Kompanija Telemach je najveći operater digitalne i analogne kablovske televizije, kao i jedan od vodećih pružatelja usluge širokopoasnog interneta u BiH, a od kraja 2011. godine i operator fiksne telefonije. Telemach BiH je nastao integriranjem kablovskih distributera širom BiH tokom 2010., 2011. i 2012. godine (BH Cabelnet, GlobalNet i Elob iz Sarajeva, Monet iz Mostara, Telekabel iz Zenice, ArtNet iz Kiseljaka i Vinet iz Visokog), a danas zapošljava oko 210 ljudi.

U saradnji s kompanijama SBB Srbija, Telemach Slovenija, globalnom OTT platformom Net TV Plus i još oko 15 manjih kompanija, čini jedinstven telekomunikacijski sistem pod imenom United Group.

Kompanija Telemach svojim prisustvom na bh. tržištu u periodu od 4 godine omogućila je svojim korisnicima inovativne i napredne servise bazirane na najsavremenijim tehnologijama, podižući nivo konkurentnosti BiH tržišta, te unaprjeđujući iskustva i navike korištenja fiksnih telekomunikacionih usluga.



PREDSTAVNICI FIPA-E POSJETILI FIRMU DUGATEHNA DOO ČITLUK



San Marco Dugatehna BH nastala je kao rezultat partnerskog odnosa italijanske kompanije za proizvodnju boja i lakova Colorifico San Marco i kompanije Dugatehna doo Čitluk. Radi se o najmodernijoj tvornici za proizvodnju boja i lakova u ovom dijelu Europe.

Kompanija izvozi u više od 40 zemalja širom svijeta. Zapošljava trenutno 60 radnika.

Daljnji planovi kompanije su povećanje proizvodnje i broja zaposlenih, proširenje kapaciteta i uvođenje novih standarda.

POSLOVNE VIJESTI ≡



BOSNET IZVOZI U KATAR



...I JOŠ FIPA POSLOVNIH VIJESTI...



BOSNET IZVOZI U KATAR



Bosnet, kompanija koja proizvodi hranu za kućne ljubimce, zaključila je veliki ugovor za isporuku 400 tona hrane za pse i mačke u Katar. Ova firma je dobila i certifikat za izvoz robe animalnog porijekla u zemlje EU, i jedina je u BiH sa tom potvrdom.

Proizvodi Quicker, hrana za pse, i Quick-paw, hrana za mačke, naći će se ubrzo na policama velikih centara u Mađarskoj i Norveškoj.

Bosnet je u februaru ove godine započeo s proizvodnjom ekstrudirane suhe hrane za sve vrste kućnih ljubimaca i slatkododnu i morsku ribu. Investicija vrijednosti skoro 30 miliona KM, jedna je od najvećih u privredi Bosne i Hercegovine ove godine.

Bosnet je već zaposlio 65 radnika, a kako se povećava tražnja za njegovim robnim markama, otvara se prostor za nova radna mjesta.

Do kraja ove godine bit će zaposleno još novih radnika.



MISIJA FIPA-E

Agencija za unapređenje stranih investicija Bosne i Hercegovine je agencija koju je osnovalo Vijeće ministara Bosne i Hercegovine, a čija je osnovna zadaća :

- Privlačenje i povećanje priliva stranih investicija u Bosnu i Hercegovinu i poticanje postojećih investitora u zemlji na dalja ulaganja i širenje poslovanja
- Poboljšanje saradnje između privatnog i javnog sektora, predlaganje mjera za unapređenje okruženja za investiranje, a s time i ekonomskog razvoja
- Predstavljanje Bosne i Hercegovine kao zemlje poželjne za strane investitore



USLUGE FIPA-E

Vijeće ministara Bosne i Hercegovine je zadužilo Agenciju za unapređenje stranih investicija da pruži podršku direktnim stranim investicijama i da olakša priliv stranih ulaganja u našoj zemlji. Agencija saraduje s institucijama vlasti i investitorima, te pomaže nadležnim vlastima da poboljšaju zakonski okvir za strana ulaganja. FIPA takođe pomaže investitorima da uspostave kontakte s javnim i privatnim sektorima BiH. Pokazatelji koji se odnose na priliv investicija, uspostava kontakata i studije privrednih sektora koje su izradili FIPA stručnjaci i nezavisni konsultanti, omogućavaju da investitori budu u potpunosti informirani o investicijskim mogućnostima koje Bosna i Hercegovina trenutno nudi. Osim toga, FIPA usko saraduje i sa ambasadama i diplomatskim predstavništvima Bosne i Hercegovine, koji takođe mogu pomoći investitorima da istraže mogućnosti ulaganja u našoj zemlji.

FIPA pruža informacije, analize i savjete potencijalnim investitorima o poslovnom i investicijskom okruženju, uključujući:

- zakonodavstvo koje se odnosi na direktna strana ulaganja
- podsticaje koji se odnose na ulaganja
- ekonomska i poslovna kretanja u zemlji

FIPA identificira i predstavlja postojeće bh. mogućnosti za strana ulaganja :

- investicijske projekte u fazi razvoja ili projekte koji su već spremni za realizaciju
- preduzeća u procesu privatizacije
- domaće firme koje traže stranog poslovnog partnera

FIPA pruža pomoć potencijalnim investitorima i onima koji su već investirali u zemlji kroz :

- saradnju s javnim i privatnim sektorom
- saradnju s vladinim i nevladinim institucijama kako bi se olakšao privredni razvoj
- saradnju s lokalnim, regionalnim i međunarodnim organizacijama kako bi se poboljšalo okruženje za ulaganja



DA BISTE SAZNALI VIŠE O USLUGAMA FIPA-E, KOJE SU BESPLATNE, KONTAKTIRAJTE NAS DIREKTNO.

Grbavička 4
71000 Sarajevo
Tel: +387 22 278 080
Fax: + 387 33 278 081
e-mail : fipa@fipa.gov.ba
www.fipa.gov.ba

Ured FIPA-e Mostar
Rade Bitange 30
88000 Mostar
Tel/Fax: +387 36 558 815
E-mail: mostar@fipa.gov.ba

Ured FIPA-e Banja Luka
ure Daničića 1/III
78000 Banja Luka
Tel/Fax: + 387 51 226 180
E-mail: banjaluka@fipa.gov.ba

A map of Europe with white outlines of countries on a blue background. The country of Bosnia and Herzegovina is highlighted in the colors of its flag: yellow, blue, and white with stars.

INVEST IN BOSNIA AND HERZEGOVINA YOUR NEW OPPORTUNITY

WWW.FIPA.GOV.BA